

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Carmina in laudem B. Mariae Virginis multorumque sanctorum

Brant, Sebastian

[Basel], [nicht vor 1494]

Contra iudeos et hereticos

[urn:nbn:de:bsz:31-290354](https://nbn-resolving.org/urn:nbn:de:bsz:31-290354)



Contra iudeos et hereticos

Conceptionē virgīnalem fuisse possibilem Argumentatio.
S. Brant.

Huc ades o lepidum caput: inueterate malorū:
Impurūq; pecus: carmina nostra legas:
His veterem errorē tibi de pulmone reuellam:
Huc ades hec nostra & scripta Sabelle vide.
Qui temere hoc audes/non concepisse Mariam
Dicere/verbigenam sed reperisse suum.
Huc recutite veni canis/erubeasq; tuendo
Iudæ infelix: tuq; Fotine miser:

A iiij

Semine


Afferere audetis / christum de ~~foemina~~ natum
Esse Ioseph / sancti / cęlibis atq; viri.
Quid fuit inuento ? quid opus / genitum esse virili
Semine ? qui semen format / & esse viri ?
Debuit hoc partu deus ipse e virgine nasci:
Et decuit pariat sic quoq; virgo deum.
I miser / & quid te doceat natura require:
Credulus vt fias : te docet illa : vide.
Si potuit sterilis / prope centenaria Sara :
Et parere Anna triplex : & vetus Elizabeth :
Num mago / nature : pariat virguncula prolem
Congruit : effœto / quā vetula vlla / viro ?
Quid mirum : deus in multis cum mira peregit :
Exhibuit matri si quoq; mira suę ?
Aemilia peplo flagrare incendia fecit.
Tuscia num cribro virgo ferebat aquas.
Indiciū vt faceret sibi virginitatis honestę :
Num trahit imotam Claudia casta ratem ?
Concipere intacto potuit quoq; corpore virgo :
Filiolum : per quē signa pudoris habet.
Mēnonis : & Diomedis aues / mutasse figuram
Quippe legis : veteres Archadięq; lupos :
Fecit aues Circe / & variarū monstra ferarum.
Cur non : natura virgo volente / parit ?
Concipit absq; viri si semine vultur auara :
Esse potest mater celebe virgo thoro.
Vnica semper auis Fœnix reparatur in igne ?
Sic vitam miseris vnica virgo parit.

Pennigeras uolucres arbor producit Ibera.
Quis vetat vt virgo parturit absq; viro?
Igne carista lauat plumas / neq; leditur illo:
Igne puerperii se pia virgo lauat.
Cappodocas vento si concepisse fateris
Nuper equas: num ne & flamine virgo parit?
Impluio danę potuit num ventre grauari?
Et non celesti mater ab imbre parit?
Nempe feras cunctas legis apperuisse gemellos:
Nec fregisse tamen: sed tetigisse manu:
Et nō ille pater rerum: sua claustra serata
Linquere: & integro ventre subire potest?
Sic tamen hęc claustra est: sic mansit virgo serata:
Vt sit carnigero peruia porta deo.
Rhinoceros gremiū ceu querit adire puellę:
Sic quoq; virgineo vult deus esse sinu.
Fœmina fonte potest fieri fecunda Sicano:
Concipere irriguo fonte Maria potest
Terrigenam Tagen: pater inuenit sub aratro:
Insuit & femori Iupiter ignigenam:
Cur non celigenam potuit tellus veneranda
Viscere virgineo suscipere: absq; mare?
Et saluatorem cur non benedicta virago
Germinet: & tellus semen operta ferat.
Lac / calibem / & lanam narrant pluitasse libelli.
Desuper & iustum compluere aura potest.
Et vitulam cecidisse legis de nube serena.
Sic cadit æthereo missus ab imbre puer.

Nonne & florilegis apibus generatio casta est?
Concipiet/veram non quoq; mater apim?
Concipiunt conche fecundę rore superno:
Sic grauida æthereo foemina rore madet.
Ledere nulla potest species adamanta metalli:
Nec fracta a viuo virgo adamante parit.
Concipit e patrio pelicanus sanguine vitam:
Et leo rugitu: parturit vrsa nare:
Strutio num phębo prolem excubat: oscula figens
Bonapha: non alio concipit illa modo.
Concipit ore suo coluber mala semina prolis:
Cur bonus angelico non datur ore puer?
Non timet ardentes turris lauricia flāmas:
Ardet/inextinctus Gaurus & Aethna manens.
Qui struxit preneste: fociis fuit ille repertus:
Pneumatis igne Ioseph inuenit esse satum.
Pascitur igne iugī/nec enim Salamandra cremat:
Sic manet hęc mater libera ab igne viri.
Cum semel Asbestus succenditur: igne tenetur:
Sic manet hęc virgo ceu modo virgo fuit.
Nec Veneris pluuia aut ventis extincta lucerna ē:
Nescia sic veneris virgo lucerna dei est.
Flagrat & intactum permanfit ab igne rubetum?
Vrit amor matrem nec tamen igne perit.
Flumen vt e dura Moysen elicuisse fateris
Rupe: ita & integro corpore virgo parit.
Area sicca manet/rorat quoq; succida lana: &
Vellere non riguo proxima terra madet:

Virginis intactę sic pneumate concipit aluus:
Sic pluuia in matrē non nocitura cadit.
Arida quę fuerat Aaron dat amigdala virga.
Sicq; nouos fructus fert sine virgo viro.
Vt manet integrum phœbo penetrabile vitrum.
Virgo etiam clauso corpore mater erit.
Cur sibi iusticię sol non penetrare pudicam:
Dulcibus & radiis congruidare potest?
Si dedit / & potuit / naturę conditor illis
Quę natura pauet: quę quoq; monstra vocat:
Omnipotens genitor dignatus virgine nasci:
Cur sibi nascendi iura nouare nequit?
Peccat Adam virgo / natus de virgine terra:
Fas fuit hęc reparet virginis alter Adam.
Nempe super terram deus hęc noua mira creauit:
Quod pia circūdat foemina virgo virum.
Hęc in quā est fortis Salomonis foemina: terris
Cuius ab extremis est precium: atq; procul.
Qui vera illa putas: igitur / quia carmina narrant:
Historięq; tenor: fama; / voxq; frequens:
Credere & ista velis. nisi & arbiter esse negetur
Naturę: genitor & pater omnigenę.
Quod si cuncta neges: subeas mala cūcta necesse ē
Nos certe hanc matrem dicimus esse dei.
Quę fuit ante suum: partum / partuq; sub ipso:
Post partumq; manens nescia virgo viri.
Credimus hunc matris clausum subiisse cubile:
Qui pedibus siccis per mare fecit iter.

Cuius/aqua/arbitrio vinū fit:lepra fugatur.
 Surgit & ad cuius verba sepultus humi.
 Deniq; qui verbo virtutis cuncta creauit:
 Hic potuit ventri se dare virgineo.



Querimonia virginis in pas-
 sionem christi. S. Brant.

MAte patris summi: mi dilectissime nate:
 Cura/salus matris/vnice nate tuę?
 Quis tam crudeles de te sibi sumere poenas?
 In te quis voluit tam ferus esse mihi?
 Cui licuit de te tantum patrare reatum?
 Vulnere quis fecit tam truculenta meo?